

此曲本演完時

祈交回提場人

收回幸勿遺失

覺先聲班啟

夏曆二月十二日首次公演

4

罵玉郎

劇中人

編者

當劇人

麥嘯霞編

(劇中人)

(當劇者)

(劇中人)

(當劇者)

宋玉郎

馬湘雲

馬扶風

昭文太子

施霸雄

孫烈臣

劉英

蔣雲淵

東方大雄

呼延風

雷萬鈞

(夢冷天涯月)

第一場 (金殿)

(土工首板)(文宗皇帝、貴妃坐幕)(仝唱)國破家亡葬身無地。(開邊開幕)(仝哭相思完文宗下句)

君臣相顧盡沾衣。。

(貴妃上句)可歎文武百官，無一個是忠君愛主。

(文宗下句)甚或甘為叛賊，賣國自肥。。

(貴妃下句)忽聽得鐵騎奔馳，莫不是敵兵殺至。(驚慌介)

(沖頭)(劉英、施霸雄上)

(劉英唱)娘娘與萬歲不用驚疑。。

(霸雄白)經已攻破城池，萬歲快些逃避。

(文宗口古)咁而家點算呢，想走都太遲。。

(貴妃口古)兩位卿家睇過有乜法子。

(劉英在甲內取出僧衣僧帽)請陛下權且躲避，更換僧衣。。(幫帝穿衣)

(霸雄在甲內取出尼衣尼帽口古)請娘娘屈駕更衣，暫時避一避。(幫妃着衣)

(文宗穿起衣介)

(貴妃穿尼衣白)萬歲呀從此你是僧來我是尼。。

(文宗口古)今日一別天涯，唔知幾時至有再會嘅日子。

(劉英、霸雄仝口古)萬歲娘娘保重，都要謹慎為宜。。

(四人仝哭相思介)

(文宗、貴妃花下句)真係難分難□又難離。。

(劉英上句)莫再延遲，請快的離開此地。

(文宗下句)賢卿還要設法阻住敵兵追。。(與妃逃下衣邊)

(劉英口古)想掩□阻擋追兵老哥有何法子。

(霸雄口古)不如放火燒宮殿，將佢地掩飾一時。。

(劉英口古) 好嚕，詐帝話帝后雙雙一同燒死。

(施霸雄口古) 咁就當堂放火事不宜遲。。。(放火)

(衣邊撒火粉景變頽垣斷瓦)

(劉英、霸雄□看同笑介)

(播古)(四手下、蔣雲淵、蔡延恭捧令上三才扎架)

(延恭雲淵英雄白) 天高未為高。人心更重高。。未登天子位。先置殺人刀。。(白) 老夫蔡延恭

本督蔣雲淵，順天心而篡帝位，借外力以定中原，如今殺上金鑾，劉施二將可曾拿着昏君

(劉英白) 昏君躲在深宮，閉門不出，也曾放火，將他當堂燒死了

(延恭雲淵白) 施將軍，可是當真

(霸雄白) 千真萬真

(延恭雲淵白) 果然不錯

(劉英白) 果然不錯

（延恭大笑）喊吔好，衣吔好嘍

（蔣白）木丞相雖則如此，我想亂火之中，難保無漏網之魚人，仍□待□□本督親領了人馬，四

圍搜過，方保方保萬全

（延恭白）唉吔□拿老夫木令四圍搜過（交令介）

（蔣白）得令（接令引四手下下）

（延恭白）老夫遂了平生願，相請狼主上金鑾

（沖頭鑼鼓一輪然後四古頭）

（呼延風、尉遲雷一對齊出什邊虎度門扎定架）

（四古頭）（東方大雄跳出在風雷二將之中扎架）（轉打引鑼鼓開台口念引）不怕天上雷公，只怕東方

大雄（埋位詩白）霸業驚天地，威名四海揚，謝蔡丞相多得蔣都督相助俺太陽（白）唔，太陽

國霸主東方大雄，今日未有內應，定難殺進天朝，看將起來都是蔡木丞相列位將軍之功

（延恭劉英、霸雄白）乃是狼主之功

(大雄白) 都是木丞相眾將軍之勞

(建恭劉英、霸雄白) 乃是狼主之勞

(二人呵呵大笑介)

(快地)(蔣□首級押文宗貴妃上白) 啟狼主丞相可恨太傅宋公良，□□昏君奸妃，微臣曾將他殺了，

也今曾將昏君奸妃擒獲，狼主定奪

(劉施二將軍大驚介)

(大雄一看白) 呖嘍，大吉利是因何將尼姑和尚擒來，快快將他趕下去

(建恭雲淵白) 且慢，這兩個並非別人，就是昏君貴妃所扮

(大雄白) 乜話，□是昏君貴妃所扮，果然不差，昏君走來，今日被擒，因何不參不跪

(文宗白) 寧死不辱志肯跪你個匹夫

(大雄白) 聽孤相勸，將妃子獻與孤家，或者可以饒你一死

(貴妃大罵奸鬼)

（大雄怒拔劍殺了皇及后）

（蔣云太子逃走不出此城，宋公雖死，後嗣仍存，請命重賞懸紅，□戶搜查，將其拿獲，斬草除根）

（大雄傳令叫建恭雲淵帶兵沿戶搜查太子及宋公後裔下落）

（建恭雲淵接令）

（大雄吩咐後宮擺酒慶功下）

（蔣恭及各人均下）

（劉英、霸雄水波浪，施云太子逃往宋大爺家內，叫誰去通知，小心免被查出）

（劉英云待我去通知）

（霸雄云你常飲酒易誤事）

（劉英誓不飲酒）

（霸雄知道去何處尋得宋大爺）

（劉英去他府第或別墅定然相見）

（霸雄去宋公為避漢妍，注意起見，終日假作醉酒尋花，起了一座嬌紅院，與名妓惜嬌居住，如往他府第及別墅，俱尋不見，則去嬌紅院尋他，自然會見，事不宜遲，速去速回）

（劉英去□一陣慶功席上，蠻主問何以不見我，請你設法瞞過）

（霸雄答應，不用擔云須要小心，快走罷）

（劉英別入什邊）

（霸雄下衣邊）

（落幕）

第二場 (藏經閣)

(牆上掛畫遮住秘密室門，按掣則自捲起，再按掣則室門自能開闔)

(打引)(梅香企洞)

(宋江氏上念引)春愁恍似風前草，國事□如雨後花(埋位詩白)烽火連三月。家書抵萬金。感時花濺淚。恨別你驚心。(介)奴家江月湄，配夫宋玉郎，當年隨着公公在朝為官，只為豺狼當道，朝政日非，因此父子們告職歸田，不聞國事，後來國破之時，公主殿下，私逃到此，權且躲避片時，夫郎公公，終日買酒評花，以避漢奸耳目，今早心驚肉跳，不知主何吉凶，夫郎公公，昨晚未見回來，丫環打聽着

(快花)(劉英上唱)匹馬如飛，東瞧西望。覺來到宋家莊。(下馬入白)夫人有禮

(江氏白)如此匆忙，有何事故

(劉英白)夫人不好，太老爺殺了孫嬌，被奸黨揖拿，與主上娘娘被敵兵拿住，搜出文書証據，解上金鑾，經已盡忠身亡去了

(江氏當真果然暈倒介)

(劉英大驚問梅香少爺享邊處介)

(梅香話少爺出街未回介)

(劉英叫快入去整薑湯全下)

(土工首板)(宋凌霄玉郎內唱)好酒好酒真好酒。(沖頭捧酒埕撲出，書童亞春扶起)

(凌霄玉郎口古)萬事不如杯在手。人生幾見月當頭。。

(亞春白)公子呀，啲個唔係月光，乃係熱頭。

(凌霄玉郎笑白)果然夠叻馬，賞你飲一甌。。

(亞春口古)公子我生平至怕飲燒酒。

(凌霄玉郎口古)你若然唔飲就照淋頭。(淋介大笑花下句)睇你好似一隻濕身烏狗，又似甩繩馬騮。。

醉步踉踉來到家門口。(拋埋與書童入門介)

(劉英、梅香捧薑湯撞上與凌霄玉郎相撞跌地)

(凌霄玉郎撞跌劉英收下句) 幾乎俾你歌親我膝頭。。

(劉英白) 公子不好，太老爺被奸黨搜出文書証據拿住，經已盡忠死了

(凌霄玉郎當真果然暈倒介)

(首板一句)(凌霄玉郎、江氏仝唱) 霹靂一聲魂不守。(哭相思)

(凌霄玉郎花下句) 誓把奸臣殺盡，報卻父仇。。怒氣沖霄往外走。

(江氏白) 且慢(花下句) 夫郎慢走，仔細籌謀。。(白杭) 你想報仇，須要想通想透，眾寡難敵漢

奸多，分明送羊入虎口，萬一有不測，豈非宋門絕了後，須要忍為先，免遭毒手

(劉英白杭) 公子不特唔好強出頭，重要快走，因為奸黨想斬草更除根，派兵四圍將你搜。

(凌霄玉郎白杭) 我走有乜問題，隨時皆可走，惟是點忍獨偷生，丟下愛妻看門口，況且公主殿下

年紀幼，將佢留下實擔憂，若然帶埋佢出關，又怕雙拳難以敵四手

(江氏白杭) 何不請宮主共商量，大家當面來研究，來研究

(凌霄玉郎口古) 夫人果然想得透。等我把機關按掣莫延留。。(大底開邊按掣牆上圖畫自捲再按第

二擊牆壁自開）（白）有請千歲宮主

（快地）（孝貞公主、昭文太子由密室門出，公主白）賢卿請哀家□弟出來，有何事幹

（凌霄玉郎白）宮主殿下不好，機關洩漏，臣父經已盡忠，如今賊兵四處搜查，此處再難藏身，因

此請宮主殿下出來，商量一個安全之策

（孝貞白）卿家乃衛國忠臣，事到如今，何去何從，但憑賢卿主意就是

（昭文白）照呀，賢卿，你去天邊，我們就跟到天邊，你到那處，我們就跟到那處就是了

（劉英白）殿下講得道理，公子快些保護宮主殿下出關為高

（凌霄玉郎白）乜話，保護公主殿下出關

（江氏白）照呀，賊兵將到，何必思想，即你快些保護宮主殿下逃走出關為高

（玉郎撲燈蛾）勸出關（雙句）你未知出關咁難難，守衛森嚴又有通過証，任你插翼都難出關，難出

關

（劉英撲蛾）有何難（雙句）我有憑証在腰間，公子權且認作我，乘機可以混出關，混出關（交腰牌

與凌霄玉郎

(凌霄玉郎看牌白) 哨官劉英通過征(雙句)(禾蟲工花) 一個腰牌，只可一個混出關(數吓連自己共四人) 僧多粥少實覺為難，佢地無術隱身你話點樣辦。萬一俾人睇穿就撞大板，中途誤事就唔係反，將你拖累就唔多盞，況且我一人力量太孤單，就算英雄都能力有限，雙拳兩手點能兼顧一位太子兩位紅顏，想去想來難以辦，不若將腰牌壁返，另籌辦法渡重關。(將牌拋回劉英)

(劉英接牌掛回腰間)

(江氏禾蟲上句花) 郎君何用咁為難，奴家不走亦可好閒，總要郎你逃出虎穴龍潭，你若能保護宮主殿下走出關，我縱然犧牲亦都死得閉眼。

(孝貞下句) 我豈忍你恩愛夫妻來分散，但求你能救我弟弟力挽狂瀾。均之我國破家亡生亦慘。不如捨生取義免將軍你為難。我就將殿下拜託將軍，當堂殉難。(自刎死)

(凌霄玉郎、昭文、江氏、劉英仝跪下哭相思)

(沖頭)(施霸雄上收花下句) 公子快走，遲就艱難。(白) 公子不好，奸賊蔣雲淵帶領賊兵，到來

捉拿公子，搜查殿下，三十六着，走為上着，某有公事不能多講，萬途珍重（沖頭別下）

（昭文口古）賊兵就來，我地點算好。

（凌霄玉郎口古）有臣保護，殿下不用心操。

（劉英口古）公子莫再遲疑，快些就道。

（江氏口古）夫郎快走，不用掛念奴奴。

（凌霄玉郎口古）不若與你偕行，大眾全歸一路。

（江氏口古）我會將你拖累，快些獨走為高。

（凌霄玉郎口古）我點能捨棄嬌妻，拚之死都死埋一度。

（江氏口古）好心你咪咁古板，我去就棧大眾糟糕。

（凌霄玉郎口古）我豈忍獨自逃生，留下你被人欺悔。

（江氏口古）我自冇安全嘅辦法，你不用心粗。

（凌霄玉郎口古）乜話，你自有安全嘅辦法，叫我不用心粗（介）究竟有甚良謀

（江氏關目見人多不便說明半句口古）現在恕我不能奉告。

（昭文口古）既係夫人有辦法，你就不用憂勞。

（劉英口古）公子咁就快些登程，遲就性命難保。

（凌霄玉郎口古）唉，我護花無力，真係愧煞英豪呀。。（戀彈中板）那鴛鴦，他本是林中之鳥

（江氏戀彈中板）日間並翅而飛

（凌霄玉郎接唱）晚來交頸而宿

（江氏接唱）奴於與夫郎恩情日久

（凌霄玉郎接唱）一旦分離，這等看將起來，人到不如鳥乎麼

（江氏）唉，夫郎呀

（凌霄玉郎）嬌娘夫人呀

（凌霄玉郎、江氏仝唱）呀呀罷了我的夫郎、姑娘呀，恨煞那對鴛鴦波浪裏

（凌霄玉郎白）唉夫人呀（戀彈二流）叨蒙嬌妻情和義，未知何日再會有期

(江氏戀彈二流) 離情別緒真慘悽，只望和諧到老齊眉

(劉英前腔) 古道夫妻同林鳥，大難來時各自飛

(昭文前腔) 離合悲歡有完期，姑娘何用淚傷悲

(凌甯玉郎前腔) 我和你夫妻情真，誰料今朝離分，斷腸人對斷腸人

(江氏前腔) 夕陽西山催晚景，千言萬語說不盡離情

(沖)(亞春上白) 公子不好，蔣雲淵帶領人馬，將莊門重重圍住

(凌甯玉郎白) 嘎，將蔣門重重圍住

(昭文白) 如今莊門重重圍住，你我插翼都難飛，看來都是□卿你痴情之累呀

(凌甯玉郎白) 殿下休要驚慌，有秘密隧道，可以通到外邊，你我立刻逃走(手執昭文衣邊下)

(江氏、劉英急將孝貞尸首移入機關密室內，放下畫圖，江氏附耳吩咐劉英躲在衣邊牆頭窺看介)

(劉英依計什邊下)

(雙才)(四手下、二大將、蔣雲淵本是膽怯之夫，用身掛滿刀劍上白) 邊個唔怕我，綽號火灰蘿(介)

眾位兄弟，聽爺號令，叫拿就拿，叫鎖就鎖，須要記得（擲才見江氏獵艷介）

（江氏擲才賣弄風情白）那旁來的可是蔣大將軍

（蔣白）不敢當，請問夫人是誰呢

（江氏拋生藕白）你問奴是誰吖，你好想知道我係邊個咩

（蔣白）當然哩

（江氏白）唉，你問得太遲咯你

（蔣白）太遲，問得早的又點樣呢

（江氏白）若然問得早三幾年，就成個都唔同咁樣喇嗎前世鬼

（蔣白）比如點樣唔同法呀又

（江氏咸水歌）嗰陣我竹葉咁青哩，未曾把花橋坐呀有情哥。家陣寄人籬下奈乜誰何。

（蔣咸水歌）乜佢擺命得咁交關，我咁大個仔都未曾見過呀姊妹。睇佢含情脈脈，對住我賣弄秋波。

（學其丟眼角造手回頭一撞，撞親甲將之頭，蓋甲將亦索野忘形也，蔣怒將其一搥，回身陪笑

施禮口古）銷魂得咁交關，究竟你係邊一個。

（江氏口古）我就係你老師嘅媳婦，江氏嬌娥。

（蔣口古）乜話，你就係江氏嬌娥（介）真係恨不相逢未嫁時，古言不錯。今日特來探訪，有事要搵

凌霄玉郎哥。

（江氏口古）你提起個冤家呀，我就心痛咯（白杭）自從嫁左死冤家，未曾有日快活過，你想話同佢拍吓拖，想死容易過，你想同佢睇吓覺先聲，坐都唔同你一拍坐，你想談情說愛就唔駛拘，對着個木頭公仔重好過，一去幾日都唔見番，晚晚獨守空房你話幾難過，總之嫁着死冤家，千

差又萬錯（雙句）（假哭相思，罷了天罷天呀）

（蔣花下句）夫人你何用珠淚滂沱。（白杭）你遭遇咁可憐，我亦鄧你幾難過，之而家世界冇問題，

嫁左唔啱又嫁過，嫁多幾嫁都好平常，總要嫁到心頭妥

（江氏白杭）我怕人家說話多，又怕俾人睇小我，至驚個的三姑六婆，知道就非小可，開聲就鬧番頭噏，埋口又鬧番頭婆，嗰陣唔駛只望起牌坊，乜野面子都丟咗（雙句）（包一才）

(蔣木魚) 你何必怕，怕得幾多多。須要及時行樂莫蹉跎。番頭婆起牌坊我睇戲亦也曾睇過。笑罵由他笑罵，我有我把肝疏。花好易殘休錯過。休錯過。既遇多情種子，就要會銀河。

(江氏木魚) 聞此語，合曬心窩。佢多情自作一等大泡和。等我假作含羞將佢命攤。輕舒笑口叫句雲哥。唉，雖則我係蓮子有心又怕人地心唔向我。真難過。況且又無月□奈誰何。

(蔣木魚) 聽佢此言心摸摸。分明叫我替自己執柯。睇佢眼尾一丟幾乎命都俾佢攤左。真係重消魂過個死鬼甯氏嬌月裏嫦娥。(忘形轉身與乙將之頭一撞)

(二大將索野到暈曬至此一撞如夢方醒)

(江氏白) 佢地眼光光成日打雀咁眼睇住，傾偈都唔方便嘅

(蔣白) 係哩，邊個教你地索野索得咁猖獗，真係混你個屁帳，快的躡出去，我唔叫你地不准再入嚟

(二大將、四手下摸頭整鬼面下)

(凌霄玉郎卸上衣邊橫台，劉英卸上什邊台)

(蔣口古) 而家佢地躡清只有你同我。

（江氏口古）我有滿懷心事，之企處又唔講得咁多。

（蔣口古）咁就不若坐下至傾，等我搬張椅俾你坐。（一拍兩張椅台口全坐親密介）

（江氏口古）唔該曬咯，唉吔你確係情多。

（蔣口古）你大早個番言詞唔知係唔係撚化我。

（江氏口古）唉吔人地俾心肝你食都當狗肺，枉我自惹情魔。（假哭）

（蔣忙陪罪口古）唔該你咪撚住先，你大早又話可惜無媒，因為我唔知你鍾意邊個。

（江氏口古）哦，你唔知我鍾意邊個，所以疑惑多多。咁嘞，趁而家得閒你冇事吖嗎

（蔣奉命捉人，實在任務未完，但又被色迷心，又不敢話有事不閒，惟有支吾介）呀之敢我又唔你，

冇唔，冇乜，之我又啱啱奉命嚟

（江氏口古）乜你咁論盡架，既係唔得閒就作為罷論，你唔好享處坐。

（蔣口古）喂喂喂，我有事，我有事，同你傾到天光都得，你講囉講囉。

（江氏口古）冇事吖嗎，冇事就同你猜吓啞枚先，你即管猜吓我心頭實在鍾意邊個。

(蔣口古)猜啞枚一定要有範圍嘅，唔該你造的手勢，我睇咁就一定估中，冇乜差訛。。(乘機一腳

踏上江氏腿)(一才)

(凌霄玉郎心中憤怒，食住一才突見對面什邊劉英在此)

(劉英亦見凌霄玉郎)

(江氏半推半就輕推開腳白)我心事就在十指纖纖，你要睇真咪斬眼咯嚟(云云鑼鼓造手假意云我不

鍾意凌霄玉郎，別人也不鍾意，單單鍾意你介)

(劉英食住云云造手示意問凌霄玉郎因何去而復返)

(凌霄玉郎食住云云造手示意云忘記向你取腰牌不能出關，特來找你，快將腰牌拋過來介)

(劉英會意解下腰牌，作欲拋過去狀)

(凌霄玉郎造手示意謂萬一拋不到接不中，跳跌落便費事，你不如過正面台近的拋介)

(劉英會意即過正面台將腰牌拋過凌霄玉郎)

(凌霄玉郎接腰牌掛落腰間復向劉英示意，云不料賤人如此淫賤，怒恨欲下殺卻介)

（劉英搖手示意叫不可殺介）

（蔣接住云云照江氏一樣造手完）

（請四位留意所有造手示意俱食住云云鑼鼓起，云云完最好能齊起齊收，各皆盡能表演而毫無妨礙牽強也）

（蔣白）我估到咯，第一件嫂嫂心中不愛宋凌霄玉郎係唔係

（江氏白）提起佢我就火起喇，我愛佢，我仝佢咁好年庚八字就唔係咁哩

（凌霄玉郎大怒拔刀欲下）

（劉英急止之）

（蔣白）第二件唔愛別個人祇鍾意一個啫

（江氏白）對喇，我日掛夜掛都係掛住佢一個咋

（蔣白）比如個一個是誰呢

（江氏白）你估下

(蔣白) 比如遠

(江氏白) 遠在天邊

(蔣白) 比如近

(江氏白) 近在眼前

(蔣白) 莫非你單單鍾意我

(江氏白) 就是你個小冤家呀(用手一指蔣面起身)

(蔣白) 唉吔死咯(起身)

(凌霄玉郎以腳磨刀咬牙切齒欲下)

(劉英急搖手制止之)

(蔣白) 好呀(撲燈蛾) 你有心，我有心，春光一刻值千金，問嬌何以慰痴心，慰痴心

(江氏撲燈蛾) 你有心，我有心，乘酒酒興更開心，待奴將酒斟，將酒斟(入衣邊下)

(卸上)(昭文扯凌霄玉郎急逃介)

(凌霄玉郎不肯介)

(劉英造手勸凌霄玉郎走叫不用擔心，有我在此吼住)

(凌霄玉郎造手意謂如有不測，將他(指江)殺卻介)

(劉英以為叫殺蔣，領頭答應催凌霄玉郎走)

(凌霄玉郎無奈踏腳恨恨携昭文下)

(蔣目逆送江氏下心花怒放造手云發夢不料美人施恩，想到乘幾分酒興，得其所哉之時，不覺手舞足

踏踏，不知如何是好)

(相思小鑼)(江氏捧酒衣邊上撲燈蛾)一片心(雙句)願你從茲不變心，你若係真心快些飲，飲完

又試斟(斟酒介)

(蔣撲燈蛾)乜你起勢斟(雙句)若然飲醉就點開心，不若呢杯同你飲，一人一半結同心，結同心

(江氏咸水歌)你既係有心同我飲呀有情哥。你飲完呢杯之後我同你結同心。(丟眼角)

(蔣禿頭三字清中板)真係美人恩，難再搵。夠豐韻，又斯文。(沉腔)香澤微聞真肉緊。個對擺

命眼，唉吔會叫人。。酒氣如蘭（轉花）真係香噴噴。（飲完下句）未曾真個已消魂。。

（江氏再斟花上句）越飲就越更消魂，唉吔你唔飲就笨。

（蔣接杯下句）美人情重好在我越飲越精神。。你密密斟時我就密密飲。（連飲連斟）

（江氏斟清酒壺，翻轉滴酒已無，台口白）弊嘞，整極佢都唔醉，惟有出埋個大埕至得（取大酒埕勸

飲）

（蔣酒量素豪，飲至癮起，更不推卻，即捧作牛飲）

（江氏乘其捧埕而飲之時，拔小刀將其刺殺）

（蔣見劫色不佳急忙一閃，已傷及膊頭，一腳將江氏踢倒，連隨大叫）伙記呀，快入嚟呀

（劉英跳下欲殺蔣）

（蔣急沿台跟住兩椅團團而走）

（甲乙二將、四手下上共戰劉英）

（劉英敗下）

(蔣大怒叫眾人追)

(甲乙將四手下追入場)

(蔣白)真係青竹蛇兒口，黃蜂尾上針，兩般俱不毒，最毒你個婦人心呀(連環西皮)真真可恨(雙)
你個賤人黑心

(江氏拉腔)唉吔，我要鈎你三魂。

(蔣口古)我與你並冇冤仇，因何將我起勢撚。施其毒手為乜原因。

(江氏口古)我恨不得食你之肉，煎你之皮，將你手刃。等我聲明你嘅罪狀，罵臭你個衰神。(士

工花)提起你呢份人真係令人可恨。(白杭)你係中國人，因何得咁笨，甘心做漢奸，屈膝事敵人，你不念師傅恩，為着一紅粉，殺師以媚敵，的確不成人，你與奴夫君，同學本屬無仇恨，竟引敵兵將佢困，重調戲嫂夫人，你所作所為，真係神人共憤，你撫心來自問，豈得謂之人，你上不能對君，下不能對民，不忠不孝無廉耻，萬惡集於你一身，我為國除奸應本份，死為厲鬼都要將你監生吞，監生吞

(蔣禾蟲下句花)當初我將佢嚴詞審問，我以為自己爛沙塵，點知俾佢鬧到我頭昏，鬧到我失魂，鬧到我唔值一文。係哩我點解為着一個爛臭女人，攪到倒行逆施得咁笨。不念師恩，不顧國君，不理國民，不念同窗情份，調戲貞烈釵裙，唉，唔怪得佢將我噴，因為我自己太不成人。唉真係一失足成千古恨的漢奸不可為，國賊更不可為，我本係一個大好青年，應把救國嘅雄心振奮。夫人呀夫人，我罪大可包身，惟是情猶可憫，我願低頭請罪下拜釵裙。你要寬恕我呢一勻，我誓願改過自新，不做賣國奸臣，此後發奮做人，救國忠君，盡番國民一份。(哭介)你唔好鬧我老趁，唔駛鬧我災瘟，而家已經呻笨，此後我依從你教訓，不如你略施儆戒打我一身。

(亂叩頭)

(江氏花唱)唔知佢假定真，一吓轉左做好人，唔知佢將我來毘，抑或將我來撚。我本該一刀將佢手刃，而家又聽佢自陳悔恨，掙到我五中無主唔知佢係假鬼抑或真神。唉吔，睇佢呢的咁嘅人，所卜喲狼子野心須要萬分謹慎。

(劉英高台跳下提刀欲殺蔣介)

(江氏一攔兩攔)

(蔣花唱) 阿英哥你唔好將我怨恨，我已經亞崩養狗轉性做好人(轉中板尾) 你要刀下留人。

(劉英撲燈蛾) 你假定真(雙句) 冇人相信你災瘟，你精我唔笨，咪嚟將我昆(雙句)

(蔣撲燈蛾) 唔係昆(雙句) 我何必將你昆，我自經夫人施教訓，從今誓不作奸臣(雙句)

(江氏撲燈蛾) 你既真心，既真心，表明事實至為真，徒托空言就嚟嚟混，當堂做出至為真，至為真

(劉英撲燈蛾) 立功勳(雙句) 你要將功贖罪表情真，快將魔君來手刃，倒戈反正至為真，至為真

(蔣大驚西樵鄉音白) 嗚華，擺命咩(土工花) 佢提出呢個問題，嚇到我當堂打冷震。(白杭) 想我

呢世人，提起劊雞都手震，你叫我去殺人，我就有得震時冇得睺瞓，況且嗰個魔君，力大到唔

係人咁品，拳頭至少有幾千斤，大喝一聲當堂地都震，唔駛講打咁交關，俾佢口氣一吹我就當

堂暈一陣，若果佢口氣吹兩吹，我就不由自主雙腳會打倒褪，我好比一隻小小嘅蚊，佢好比一

座火山的火亂噴，想近都唔敢近佢身，點敢將佢來手刃，第樣托塔都應承，殺人就咪混(雙句)

(劉英白杭) 枉你做將軍，原來上咗鋪震癮，你既係咁驚，點能衝鋒來上陣

（江氏白杭）乜索野就咁猖狂，色膽如天總唔震，既係冇膽去殺人，何必掛滿刀槍得咁偵

（蔣白杭）就係因為我有膽，死驚唔得穩陣，所以刀劍掛滿身，咁就有人敢將我近

（劉英白杭）你無謂講咁多，宜家時候又咁嚮，不如帶我地出關，你敢答允唔答允

（江氏白杭）你若果係忠心，就快的來答允

（蔣白杭）咁就萬大都應承，斷估冇人敢盤問

（劉英白杭）咁就快鬆人

（江氏白杭）遲就唔穩陣

（蔣白杭）總係我有好多首飾共金銀，丟低確係心唔忍，不如等我去拈埋，唔該你地等一陣

（劉英白杭）金銀首飾係好閒，顧住條命重要緊

（江氏白杭）好心你咪咁衰，唔該你咪咁偵，走遲一陣就死人，有命你慌冇金銀咩

（劉英白杭）起行喇衰公，唔好慢慢撚

（蔣白杭）唉咁就迫於無奈何，惟有把路引

第三場 (山林)

(大笛吹賽龍奪錦頭兩句) 尺上工六五，尺五反工六)

(播大古)(四手下抬死老虎，張鳳，口猛呼延風、施霸雄、雷萬鈞、神山霸丰、東方大雄，完台四古頭同扎架)

(大雄英雄白) 草枯鷹眼疾。雪盡馬蹄輕。夕陽千樹暗。獵火滿山明。(白) 孤家東方大雄，今日西山遊獵，喜得滿載而歸，來到此處，忽聽得人馬之聲，莫非有強徒出沒不成(介) 眾三軍，站過一邊，聽孤口令叫拿就拿，叫鎖就鎖，不得有違

(眾白) 得令(全站衣邊)

(沖)(蔣雲淵、劉英、江氏、申將，見有人馬大吃一驚，沖頭走回入場)(云云復上戰戰兢兢提心吊膽行至半路)

(大雄大喝一聲) 大膽蔣云淵，孤家命你捉拿宋凌霄玉郎又追殺小殿下，因何鬼鬼祟祟，卻是何解(蔣手騰腳震白) 不不錯為臣奉奉奉狼主之命，捉捉捉拿宋凌霄玉郎，追追追殺小殿下，誰誰

料未到到到宋家蔣，他們經已逃逃走去了，因因因為臣無可奈何，而而而今追趕到此，狼狼狼
主恕罪

(大雄白) 呸嘍，看你這等情形，其中定然有詐

(蔣白) 為為為臣不敢

(大雄白) 還說不敢，那女子卻是何人

(蔣白) 這這這個嗎，不錯，他他他我我我你你你這個這個那個那個

(大雄白) 呸，何用這個那個，分明欺騙孤家，左右將他幾人通通拿下

(霸雄、劉英，早已關目示意救護江氏，至此時見已決裂一齊拔刀)

(劉英大喝一聲) 呸，有某在此，誰敢動手(揮刀直取大雄)

(大雄與劉英大戰)

┌萬鈞木戰甲將┐

(蔣無人與戰，自己拔刀亂舞一通)

(霸雄乘機帶住江氏逃走入場)

┆申將被萬鈞生擒┆

(劉英衣邊被擒敗下)

(蔣乘機被擒走下)

(大雄吩咐眾人追下)

落幕

第四場 (山林)(衣邊城)

(擂鼓)(鬼担担)

(四手下、孫烈臣衣邊城出沿台扎架英雄白)頭戴草帽漁翁裝。腳踏草鞋走路忙。跨下一匹烏睢馬。手提丈八蛇茅槍。。(白)俺，孫烈臣，可恨蔡廷恭、蔣雲淵一班奸賊，通番賣國，是掩心中不狠，因此隨着大帥馬老英雄，在這雁門關上，興動兵馬，準備殺上長安，與先皇報仇，今日馬大帥巡視關隘，眾三軍須要威威風風，殺殺氣氣，擺齊隊伍，隨俺出迎

(眾白)得令

(烈臣過衣邊一字排關)

(雁落平沙)(四白手下、二女將英英、婷婷、女馬童冰冰帶馬、馬湘雲坐馬上、男馬童級番出、馬扶風持大令上)

(烈臣參見介)

(扶風白)孫將軍聽令，聞得賣國奸臣，派了奸細出關，偵探我們動靜，傳令守關兵將，如有過往人

等，倘無本帥令箭，不許擅放進關，違令者斬（交令）

（烈臣白）得令（介）呔，三軍聽者，大帥有令，但凡過往人等，倘無大帥令箭，不准私放進軍，違

令者斬

（扶風白）打道進城

（四白手下、二女將、馬湘雲、馬童、扶風陸續入城）

（四紅手下、烈臣入城）

（快花）（凌霄玉郎、昭文打馬上）

（凌霄玉郎唱）一鞭離了京華地。

（昭文唱）披星帶月晝夜奔馳。。

（凌霄玉郎唱）來到關前凝眸觀視。（白）雁門關（雙句）真是妙也（下句）安然抵步嘉揚眉。。（白）

啟千歲，來到已是雁門關，乃是馬老英雄座駕所在，待臣叫開關門，迎接千歲進城

（昭文唱）有勞卿家了

(凌霄玉郎白) 將軍開城，將軍開城

(播古)(四手下、烈臣三才扎架白) 大叫開城，問你可有大帥令

(凌霄玉郎口古) 雖無令箭，也要進關城。。快些通報馬將軍，說到殿下爺已經到境。

(烈臣口古) 我認不得什麼殿下殿上，乜野烏鈴星傾。。無令就不得進關，咪享我面前嚟爛醒爛醒。

(昭文口古) 唉吔，居然膽大夾牛精。。

(玉郎口古) 殿下姑且恕佢無知，唔曉得專敬。(對烈) 喂，快些通報莫再留停。。

(烈臣口古) 哎吔，居然向我拋浪頭，你一定係漢奸想嚟混入境。等我取你狗命等你進枉死城。。(舉

槍殺過去)

(湘雲卸上城一望連隨下)

(凌霄玉郎迫得大戰殺退烈臣)

(烈臣敗走入關)

(凌霄玉郎大笑介)

（湘雲沖出挺槍直向凌霄頭上刺）

（凌霄玉郎聞風聲知槍到急避過，三兩吓手勢三搥一齊扎架，擲才四目互視，各慕英俊，彼此忘形）

（烈臣大叫，取佢狗命喇小姐）

（湘雲急用膊碰開凌霄玉郎大戰北派，仿虹霓關賣弄風情）

（扶風聞驚卸上城看）

（湘雲凌霄玉郎大戰，三才扎定架，俾影頭與扶風）

（扶風口古）叫聲英雄慢動手。因何爭鬥請把姓名留。。

（玉郎口古）佢地不許我入關重無故先動手。某乃宋凌霄玉郎也，世襲威勇侯。。

（扶風口古）原來世侄光臨，不愧英雄糾糾。唔該你等一陣，我立即下城樓。。

（湘雲口古）原來冒犯虎威，請你將奴恕宥。

（凌霄玉郎口古）不知者不罪，於你何尤。。

（扶風出城接介口古）此位是誰，因何不見你老豆。

(凌霄玉郎口古) 此乃當今殿下，先父保駕經已命喪陰州。

(扶風下跪) 接駕來遲，臣之罪咎。

(昭文口古) 卿家莫非馬將軍，別號虎侯。

(扶風口古) 正是□臣，乖女快些上見拜叩。

(湘雲口古) 拜見殿下(半句)

(昭文半句) 不用禮周周。

(扶風口古) 請問寶眷因何不携仝出走。

(凌霄玉郎白) 這個，休要提起這個無恥女流。我經已共佢斷絕情緣，此後永無聚首。

(扶風口古) 咁，天下多美婦，世侄唔在咁黝。好，大家請進城中，同你飲杯接風酒。

(湘雲口古) 且慢，亞爹你睇啲便大起塵頭。

(扶風口古) 咁就傳令且慢進城，等我來查究。

(沖)(霸雄、江氏上，一齊擲才相見)

（凌霄玉郎一見江氏大惱，背身不視）

（各人見此情形，思疑江氏背夫卻與霸雄私奔到此，咸各關目）

（霸雄白）參見殿下、老元帥

（扶風白）因何慌忙到此

（霸雄白）末將保護夫人出關，情願追隨大帥興兵，衛國殲仇

（扶風關目看夫人又看凌霄玉郎，再看霸雄，誤會是夫人與霸雄私逃，但又不便斥白，惟有敷衍白）

既與夫人，全來就在城中居住便是

（霸雄白）諸位休要誤會，這位夫人並非某的夫人，乃是宋公子夫人呀

（凌霄玉郎怒白）誰家夫人皆是一樣，那個要你來多講

（霸雄不敢再講）

（江氏誤會宋疑自己與霸雄同來，或有不端，特上前解釋施禮白）奴說不來，如今卻又來了，郎你道

出奇魔

(凌霄玉郎怒白) 誰個是你郎，那個是你扶，快些與某滾開(拱手) 稟上殿下、老元帥，俺有事不陪，先進城了(拱手入城)

(各人更思疑夫人與雄有私，咸作不屑狀)

(扶風白) 傳令三軍打道進城(與眾入城下)

(江氏白) 死哩，點解奴夫忽然這等騁我呢，莫非佢見我初時唔肯走，而家忽然又與你一同逃走，所以誤會我與你有乜不端

(霸雄白) 咁就黑狗得食，白狗當災咯

(江氏白) 啐，乜野黑狗得食呀，你講話要小心剝至好嚟

(霸雄白) 唔係我一吓口快講錯啫

(江氏白) 我大早一見佢神氣唔同，我就知道撞，特想上前去向佢解釋，誰知一開口就俾佢鬧窒先，想講都唔到，你講而家點算呢

(霸雄白) 冇法哩，你我確係問心無愧，將來卒之冇日會水落石出嘅，不如入城，找機會對佢講明係

哩

(烈臣城內復出此處認真認清介口)(白)喂，關城囉嚟，你地入就快的，如遲恕不等候

(霸雄用手欲扯夫人白)夫人快的喇，關城嚟

(江氏急避開白)咪嘞，攔住，你行先嘞，如果唔係萬一俾佢地睇見我地一俾，以為我地拍拖，更加

多的思疑，更風波，因為思疑開乜都有得思疑嘅，你行先喇

(霸雄惟有先入城)

(江氏嘆氣後入城)

(烈臣閉城下)

(落幕)

（湘雲上唱）

（首板）心事滿懷難開口（沖頭扯扶風上）

（扶風花下句）乖女何事拉到我汗流流。。（口白問何事介）

（湘雲口白謂有事商量介）

（扶風問何事）

（湘雲怕醜惟有做手去我願向我今年幾大）

（扶風會意云我自然替你做主，不過人地唔知點噃）

（湘雲云我有法可以試吓佢（付耳））

（扶風白使得，□□要小心至好）（同下）

第五場

(佈華園月夜景)

(小鑼三槌)(凌霄玉郎上柳底鶯唱)(先弄序)夜更闌，淚珠偷偷彈，那堪夜漫漫，悵望關山每長嘆，遠望烽煙滿眼，情鴛拆散，怨一番，歎一番，薄倖紅顏，進難，退難，越想越難，枉我起勢揀，點知越揀越揀越煩，原來係爛燈盞，真是可嘆，無法洗清愧赧，我都再難共佢兩家進情關，惟我此心愧赧自切怛，愁多意又懶(詩白)山盟海誓渾如夢。地老天荒總是痴。羞對雙星渾不語。無情終古是娥眉。(介)可恨江氏賤人，乘我家散人亡之際，私通奸賊蔣雲淵，我當時本該將他一刀，分為兩段，怎奈投鼠忌器，恐防打草驚蛇，因此放過於他，估道今生今世，永不相逢，誰料賤人，忽然跟踪到此，這等無恥婦人，真真越想越氣，何不待俺將他殺卻，洩卻心頭之恨，豈不是好(介)我就不可，不呀可，殺卻賤人，打何緊要，惟是捉賊憑贓，捉奸在床，當時之事，無証無贓，知我者說俺報仇雪恨大丈夫，不知者反說俺男兒薄倖殺無辜，看

將起來，真是進退兩難也（土工花唱）可恨賤人無廉恥。私通奸賊愧俺鬚眉。殺他不殺難處置。（介）念他生平謹慎錯在一時。寧人負我毋我負人饒他一死。從今之後與佢斬斷情絲。意懶情愁獨向花陰徒倚。（介）精神困倦不若假寐片時。（白）正——是銷魂夢冷天涯月，冷夢魂銷故國春（坐石橈假寐介）

（八板頭）（馬湘雲捧酒上唱孟霞曲驚好夢）月冷花陰靜幽幽，自怯春心倍嬌羞，倍嬌羞，送酒送酒送酒送酒送酒送酒送酒，會牽牛（轉禿頭中板）月上柳梢人靜後。（小鑼雙思完台見凌霄假寐續下句唱）原來佢花陰假寐真是無限風流。等奴奴春風放膽來疏柳。（白）宋郎你醒來呀

（開邊）（宋凌霄玉郎花下句）凝眸又見一位女溫柔。（起身行禮介）（白）原來小姐到來，不才矇矓睡着，真是有失禮儀了

（湘雲白）說那裏話來，奴奴有驚清夢，望求恕罪


（凌霄玉郎白）豈敢，請問小姐，因何闌夜，來到這裏呢

（湘雲白）我的凌霄玉郎哥呀（土工花）我奉命特來花園送酒。（白杭）月上柳梢頭，人靜黃昏後，

愛月夜眠遲，知你未曾抖，奉了家嚴命，特自來送酒，請你飲多杯，月圓人永壽（雙句）

（凌霄玉郎白杭）多謝你盛情，本該來領受，惟是我欲報君父仇，話過戒燒酒，辜負美人恩，此福難消受，不如借花來敬佛，請小姐自己飲到口

（湘雲白杭）你想話報仇，更應要飲酒，因謂飲酒可消愁，飲一杯，唔在眉頭皺，飲兩杯，當堂開笑口，飲多三幾杯，振發精神雄糾糾，你而家飲左先，聽日報仇我幫你手

（凌霄玉郎白杭）若果小姐肯幫手，我就不辭飲醉酒，有一杯，飲一杯，有一斗，飲一斗，拚教一醉解千愁，唔駛成晚喊咁口（滾花下句）萬事不如杯在手。人生幾見月當頭。我接過金杯，忙領受。（飲介）（續唱）多謝嬌姿情重解吾憂。

（湘雲口古）我有一件事情想與公子來研究。未知你肯唔肯解釋我心頭。

（凌霄玉郎口古）你想問我乜野事情不妨講出口。知無不言，言無不盡，勢冇口浮浮。

（湘雲口古）噏吔，我又怕難為情，因為我從來都怕醜。

（凌霄玉郎口古）你我猶如兄妹一樣，何必畏羞。

(湘雲口古) 我先問吓你個人係唔係好順口開河，學埋曬的大炮友。

(凌霄玉郎口古)(左口右義) 我生平老實，勢冇話大炮西遊。

(湘雲口古) 咁你話仝你夫人離婚，是真還是謬呀。

(凌霄玉郎白) 這個(介)(口古) 我話過一刀兩段，豈有虛浮。

(湘雲口古) 咁你幾時續弦，至緊唔好撻左我餐喜酒。

(凌霄玉郎口古) 我寧願鰥居一世，不再續賦好逑。

(湘雲口古) 唉吔，你須知道不孝有三，最大係無後。

(凌霄玉郎口古) 縱然無後，我亦作罷休。

(湘雲口古) 你唔駛板頸得咁交關，等我仝你做個媒人喇吽啞。

(凌霄玉郎口古) 你仝我做媒人(介) 真係幾乎笑大我個嚨喉。 女仔做媒真係世間少有。

(湘雲口古) 真架，唔係逃你架，你若然娶到呢個女子，真係慧福雙收。

(凌霄玉郎口古) 係，咁交關(驚奇介)(口古) 今晚均之悶得咁淒涼，等我即管仝你車到夠至得。

(白) 究竟呢個女子點樣好法呀

(湘雲白) 你聽我講從頭。。呀

(江東月娘什邊卸上涉足竊聽介)

(湘雲齊口中板唱) 先講佢嘅銜頭，乃係宦門嘅閨秀。(上句)

(凌霄玉郎接齊口中板唱)(下句之上半句) 哦原來做官嘅

(湘雲接下句之下半句) 係定喇，佢世代盡公侯。。

(凌霄玉郎接半句) 不必論家財

(湘雲接半句) 之佢家財都幾夠鬥。

(凌霄玉郎接半句) 之品行唔知點

(湘雲接半句) 包佢賢淑又溫柔。。

(凌霄玉郎接半句) 我請問佢嘅青春

(湘雲接半句) 佢年華方十九。

(凌霄玉郎接半句) 佢身材肥定瘦

(湘雲接半句) 十足我一流。。

(凌霄玉郎接半句) 佢相貌又如何

(湘雲接半句) 十足奴奴咁嘅面口。

(凌霄玉郎接半句) 莫非仝你一個餅印

(湘雲半句) 直成我咁嘅嘜頭。。

(凌霄玉郎半句) 乜躑得咁交關

(湘雲半句) 唉吔你絕頂聰明透。咁就不言而喻(收中板) 我似喜還羞。。

(凌霄玉郎禾蟲花) 真正係前世唔修，佢重話幾生修，左之右(左口右節) 係處絮絮不休，又話乜

野一樣嘜頭，查實原來將我吼，幾乎整到我有收，聽到我好笑又好騮，原來佢係十月芥茶起心，

對住我嚟拋生藕。(上句) 想我情場失意恨難休，心灰意冷自慚羞，談情說愛早已一筆勾，幾乎

提起女人我就騮，有乜閒心共佢嚟處的的兜兜，唔講話名門閨秀，乜野士女班頭，任你係月殿

神仙都當第九，就算嫦娥下界，我都好似共佢水溝油。。（下句）（無意之間回首望見東月娘）
原來後便有一個女流，並非別個，就係個個死人頭，靜靜吼我地講野，你話幾下流，我而得一
刀批下佢個頭，將佢浸酒，將佢煎油，惟是我殺又唔殺得落手，打又嫌打臭我隻手，鬧又唔鬧
得出口，因為我唔想校大個火頭，免致張揚家醜。（上句）吓，我眉頭一皺，當堂計上心頭，何
不順水推舟假意順從呢位小姐佢所求，整成爛咁意合情投，嚮處盡量賣弄風流，將個隻淫婦淚
番轉頭，激到佢汗流流，氣稠稠，撚到佢透時騶到佢夠，激到佢有氣冇定抖，喂朋友呀朋友，
此乃對待女人嘅秘訣，名叫做骨子裏報仇。。（中板）我就走上前，滿面春風，輕舒笑口。嬌罷
嬌，我地心心相印，無須客氣應酬。。實在我未出關，發夢週時，夢見與嬌聚首。今晚夜，得
蒙青眼，真正係濕頂叩頭。。我愛嬌，貌勝芙蓉，腰如楊柳。最銷魂，個對秋波一轉，真係無
限嬌羞。。最撩人，玉立亭亭，妙在不肥不瘦。（白忤）至憎個的矮婆，同佢拍拖真係醜，你靚
在鼻樑高，我至憎的扁鼻友，你靚在小口似櫻桃，我至憎個的哨牙口（土工慢板下句）確有天
淵之別，不比個的下流。。（且唱且關目暗嘲江氏）

(江氏被嘲暗髒)(漸行關什邊躲在樹後再聽)

(湘雲禿頭二王慢板) 得你過獎奴奴，令我心花開透。

(江氏什邊呪咀自言自語唱序) 你就當然歡喜透

(湘雲下句) 不嫌陋質，請共訂河洲。

(江氏序) 你話我有乜收

(凌霄玉郎明知江在樹後故意接唱) 咁就我我卿卿，但願同諧白首。

(江氏序) 居然不知醜

(湘雲下句) 你憐我愛，鄉住溫柔。

(江氏序) 住你個死人頭

(凌霄玉郎上句) 斜凭香肩，同携玉手。(故意親密)

(江氏忍不住跳出序) 乜你咁唔知醜(下句) 居然大膽，另訂鴛儔。(序) 激到我氣稠稠(上句)

重婚嘅罪名，問郎知否。(白杭) 你不知羞，真係不知羞，做乜前世咁唔修，睇你頭並頭時手拖

手，胡天胡帝把情偷，膽大包天難恕宥，我爹爹知道怎干休，怎干休

(凌霄玉郎大笑下句) 真係笑話成擔，問你是否真係好黠。

(江氏序) 瓦燒嘅就唔黠

(凌霄玉郎上句) 你越心黠，我地越加歡喜透。

(湘雲序) 有人喊咁口

(凌霄玉郎下句) 佢越盟曾，我地兩個越發滋油。

(湘雲序) 任佢黠到氣稠稠

(凌霄玉郎上句) 喂你聽日若果得閒，至緊請嚟飲杯喜酒。

(湘雲序) 飲杯訂婚酒

(江氏哭唱) 真係冇陰功咯，前世唔修。

(湘雲序) 喊到似隻馬騮

(江氏上句) 一日都係你個妖精，將佢昏迷亂拋生藕。

(湘雲快序) 乜野叫做拋生藕(下句) 人唔吼你，乜你咁賤格下流。。

(江氏序) 我點樣子下流(上句) 你霸佔我丈夫，你至下流□□到冇人有。

(湘雲怒序) □□喂你唔好沃手

(江氏下句) 我就沃手，睇你恃住邊個出頭。。(上前執湘雲亂打)

(湘雲亦不讓與江糾纏)

(凌霄玉郎心中大快但恐打傷人命，急將兩人分開笑介花唱) 我有分牛之力，免□□至你地打崩頭。。

(湘雲嬌慣花上句) 打到我汗流流，郎呀乜你總唔幫我手。

(凌霄玉郎出巾同湘雲沫面汗滾花下句) 我嫌打臭我隻手，等雷公至打佢個死人頭。。

(江氏花上句) 睇佢地咁嘅情形，你話點能抵受。我拚之一死都有咁騾。。怒氣填胸，要把賤人打到

夠。(撲埋再打湘雲介)

(湘雲力爭糾纏介)

(江氏怒極性起勢兇，湘雲雖武亦幾不敵介)

(湘雲幾不敵介)

(續下頁)

(玉郎恐累出人命，急再分開介花下句) 真係重好睇過睇戲，我心內好似落咗個舊石頭。

(湘雲花唱) 你估我怕佢俵雞，恐婆你有膽時就咪走。(指住湘雲江氏)(沖頭入場)

(江氏下句) 衰女咪走，唉我越想越𦉳。悲憤填胸，鬧聲衰鬼豆。(哭相思)

(凌霄玉郎白) 吖嘎，吖嘎，□令人好笑呵(花下句) 烏蠅打醮，螭蟒賴尿(半句)

(江氏半句) 賴你個死人頭。

(凌霄玉郎木魚) 真好笑，想落又好𦉳。佢怪人唔怪己唔調得番轉頭。你激得我多時我梗係激番

到你夠。你做初一人做十五有乜好𦉳。勸你好心無謂將人咒。修吓口。你自己作孽莫將人尤。

(江氏禿頭二王慢板) 乜你講得咁出奇，何以要激番到我夠。乜野初一乜野十五，聽到我霧水一頭。

(凌霄玉郎二王) 你駛乜詐作唔知，你嘅行為，我已知透。(白杭) 雞齶咁密都會暴出仔，若要人不

知，除非己莫為，你咪當我係懵仔，我宗宗件件盡知齊(二王下句) 你無庸詐帝，你越詐我越

𦉳。

(江氏唱) 我的確唔知，請你講通講透。(白杭) 我有乜野做出嚟，你唔好將我來冤嚟，我自從入咗

你宋家，並無失德與失禮，你睇到乜野唔怕講出嚟，身得身當命得命抵，你若果唔講明，我就恐都唔眼閉（二王下句）幾多冤枉，殺錯人頭。

（凌霄玉郎口古）我本不欲講明，免知自揚家醜。既係你迫我講，我即管講一籌。也（爽快中板）當日我亡命出城走。我忘帶關証走回頭。見你與漢奸同飲酒。如膠同漆歎風流。你重詆毀於某言出口。我本待一刀殺了你人頭。怎奈我逃生難下手。天荒地老恨難休。說什麼石爛海枯皆假柳。說什麼生生世世結鸞儔。說什麼不變死生長相守。說什麼你憐我受盡虛浮。你賤人，如禽獸。不知醜，不知羞。罵得你多嫌罵臭口。你有何面目見卑某。

（江氏爽中板）當日事情你唔知透。不應錯怪我木下流。我自問無非想將你救。因此忍辱設機謀。將佢羈留阻佢時候。等佢不能追殺你人頭。你負義忘恩衰鬼豆。反將奴怪真係有理由。

（凌霄玉郎爽中板）我當時叫你你不走。怎能解釋你心頭。貞節女人豈有不知醜。寧死不辱豈肯事寇仇。

（江氏爽中板）死有何難捨得沃下手。徒然一死為乜來由。我若從奸何必走。何用千山萬水露面拋

頭。。

(凌霄玉郎中板) 一定係奸夫嫌你貌醜。你迫於無奈又相投。。

(江氏中板) 此事冇人知道透。劉英可証我心頭。。

(凌霄玉郎中板) 劉英現在何處走。(拉短腔)

(江氏下句) 可惜佢現在京裏頭。。

(凌霄玉郎上句) 可見你遁詞分明虛謬。

(江氏下句) 可以當天誓願表白我心頭。。

(凌霄玉郎上句) 天地鬼神冇咁得閒時候。

(江氏下句) 怎能相信我係貞節女流。。

(凌霄玉郎這個嗎，快花) 你縱然駁通我把口。難以解得我心頭。。你萬語千言皆假柳。劫難覆水

望重收。。你這等賤人不如死了罷就。

(江氏下句) 當堂氣煞呢個貞節女流。。真係盆上種蓮冤屈藕。(想介嘔血介) 唉，無奈何也(下句)

生也何樂死也何愁。。枉我一片真情歸烏有。不如一死免蒙羞。。悲憤填胸飛步走。

(凌霄玉郎白) 喊咁好，衣咁好，嘎嘎嘎(花下句) 佢周時話死，年年話死，總唔見佢一勻真係死，唔通個死字就係的女性獨人嘅良謀。。莫講佢係口浮浮，縱然真係死亦於我無尤。。因為佢係淫賤嘅女流，正一嘅抵死友。

(沖)(湘雲扯馬扶風上)

(扶風收花下句) 叫聲女婿走到我汗流流。。

(凌霄玉郎口古) 因何女婿相稱，唔通你飲醉酒。

(扶風大奇口古) 唉咁又話乖女已經同你訂河洲。。

(湘雲走過衣邊口古) 當然係翁婿相稱，郎你何必重怕醜。

(凌霄玉郎無收無言可答)

(湘雲口古) 快的上前拜見外父叩個響頭。。

(凌霄玉郎口古) 大早不過係講吓笑，談一時順口。

(扶風口古) 哦，確係好笑咯，咁樣擺個大靴頭。。

(湘雲連環西皮) 真真真騾(雙句) 你個份人真可騾

(凌霄玉郎尾腔) 唉吔吔，你恕我口浮浮。。

(湘雲衣邊禿頭三腳橈扯凌霄) 喂，駟馬難追，你一言出口。

(扶風至午邊扯凌霄三腳橈) 你忽然變卦，為乜因由。。

(凌霄玉郎在兩人中間被其左右兩邊亂扯，無言可答惟有駛面口)

(湘雲唱) 喂我係女兒身，唔係講笑講嚟湊。

(扶風下句) 我女都未曾嫁，唔通又番頭。。

(湘雲上句) 你係大丈夫，點能亂反口。

(扶風下句) 婚姻等兒嬉，實在有乜理由。。

(凌霄玉郎上句) 你問我理由，理由當然有。(中板下句) 等我當堂講白(轉花) 不避慚羞。。可恨

我妻房不把貞操守。本該殺卻賤人頭。。念在夫妻之情難下手。惟是難消此恨怎罷休。。因此

權借令千金來把計扭。果然氣煞這個賤丫頭。。我意冷心灰望祈恕宥。

(沖)(霸雄上收下句)尊夫人走了，有書信遺留。。(交信介)

(凌霄玉郎看信白)留呈宋凌霄夫君手拆，呸，看你有何話講(拆讀)忠節賢貞，惟天可表，一死

謝君，恩怨了了，薄命妾江月娘絕筆

(霸雄白)不好了(沖頭走入場)

(凌霄玉郎花唱)一紙絕命書，唔知佢真定假。

(湘雲下句)都係佢自作自受且由他。。

(扶風上句)佢死也應該，死左好過被人唾罵。

(凌霄玉郎下句)都是前生注定，可惜佢白璧微瑕。。

(湘雲口古)閒話休提，而家乜都係假。睇過幾時行禮，於你做主喇爸爸。。

(扶風口古)咁就一於擇日成親，賢婿要聽聽話話。

(凌霄玉郎口古)有乜閒心共你地講啲枝花。。

(湘雲口古) 你若果不肯應承，不如死了就罷。(欲自刎)

(凌霄玉郎攔住口古) 須知到匈奴未滅，叫我何以為家。。且等報了大仇，至慢慢談婚嫁。忽然又

聽裏面喧嘩。。

(沖)(霸雄執衣裳及鞋上白) 來公子不好，夫人走到相思江畔投水死了

(凌霄玉郎哭相思)

(湘雲、扶風勸全唱花下句) 傷心無用，何必涕淚如麻。。

(霸雄口白) 勸不用傷心，當以國事為重，須速起兵報國仇父仇為先

(凌霄玉郎口白求大雄起兵)

(扶風口白叫答應婚事，則馬上起兵)

(凌霄玉郎惟有□答云報仇之後再定婚期)

(扶風答應吩咐霸雄及湘雲傳令明早較場點兵殺上京師介)

(眾人得令入場)

尾聲

第六場 (金殿) (正孖台印令架)

(點絳脣) (八手下、呼延風、東方大雄上)

(大雄英雄白) 不怕天上雷公。只怕東方大雄。萬里山河一統。孤王八面威風。(白) 孤家，神

洲國主東方大雄，自從吞併漢邦，駕座中原，可恨劉蔣二賊，反覆無常，人來將他們帶上

(手下領命下)

(土工首板) (劉英內唱) 失手被擒天不就。

(沖頭) (手下帶劉英、蔣雲淵枷鎖上)

(雲淵花下句) 心驚膽震冷汗掂流。

(劉英白) 啞 (上句) 大丈夫視死如歸何必喊咁口。

(雲淵下句) 我唔係怕死不過驚住殛咗個頭。

(劉英白) 嘍 (上句) 為國斷頭好過萬年遺臭。

(雲淵禾蟲花下句) 香臭都無所謂，生死亦都有問題，惟是我有七十歲嘅老母，八十歲嘅老婆，仔細

女嫩家財厚，若然我死咗你話有乜收。

（劉英白）吔吔吓（快花）你怕死貪生莫非想搖尾乞憐再做漢奸走狗。

（雲淵白）這個（擲才忽覺悟毅然興奮白）嘻（花下句）英雄不怕死，豈可奴顏婢膝再事仇。誇喇

喇（介）拚卻犧牲同歸一路走。（執英手快步沿台收下句）我地寧死不辱

（劉英半句）不愧壯烈千秋。。（仝立不跪）

（大雄口古）罵聲你兩個奴才真荒謬。快把罪名招認供出誰是主謀。。

（劉英口古）你係一個萬惡魔君，殺害我三十萬遭難同胞嘅劊子手。世人皆曰可殺，駛乜問邊個主謀。。

（雲淵滋柔笑口古）狼主何必咁騾，誰是主謀問我就自然知道透。

（劉英大吃一驚急搖手制止）

（大雄微笑面有得色）嘎嘎（口古）雲淵你向來忠順，快快講出就恕你愆尤。。

（雲淵大笑口古）嘎嘎，主謀並非別人，就係你個疏堂老堂。（轉怒）要殺即管就殺駛乜查問根由。。

（大雄白）可怒也（土工花）可恨奴才死賸把口。辱罵孤家真是火上加油。。叫左右立刻行刑將他斬

首。

(延風白) 且慢(花下句) 請息雷霆之怒把情留。。(口古) 姑念佢從前歸順有功，伏乞從寬恕宥。

等微臣上前勸導，叫佢悔罪叩頭。。

(大雄口古) 既係將軍講情，姑且開恩准奏。快的上前勸導叫佢供出作反嘅陰謀。。

(延風白) 領旨(工花) 舉步上前來追究。(白杭) 你地係絕頂聰明人，點解一時會咁咩，做漢奸做

得咁疏奸，何以忽然倒戈想逃走，喂，快的講出你地反正嘅密謀，供出誰人係領袖，狼主一定

肯開恩，唔將你地來殺頭

(劉英白) 住口(土工快慢板下句) 大丈夫，死如歸，豈懼殺頭。。

(雲淵快慢板上句) 你也是，大漢人，莫作漢奸走狗。(收)

(劉英白杭) 可恨敵國兵，恃強來入寇，我迫於無奈何，假意從奸將計扭，藉此探軍情，豈有甘心做

走狗，一心反正為國殲仇，護主出關來取救，如今事洩不幸被擒，拚將一死無謂多追究

(雲淵催快白杭) 中國若果有漢奸，國土唔慌會失守，中國若果有漢奸，多多敵人都當第九，中國若

果有漢奸，殺到敵人有氣冇定抖，喂（快）你亦係中國人，應要想通透，從今莫再作漢奸，免被子孫來罵臭，立即反正就倒戈，回心將國救，我地縱然殺頭也甘心，望你繼續來奮鬥，中國萬歲萬歲，收回失地方罷手，方罷手

（延風越聽越驚滿面羞慚既不能表同情又不能反對，更不能制止不知如何方可）

（大雄白）可怒也（花下句）你妖言惑眾怎干休。。我要將你碎剮凌遲兼斬首。我要誅你九族雞犬不留。。怒沖沖（介）舉起青鋒，忽聽得人馬奔走。

（沖）（雷萬鈞上花下句）狼主不好，敵兵經已破徐州。。（白）狼主不好，敵兵勢如破竹，反攻利害（大雄白）乜話，敵人反攻，勢如破竹（介）呸，休長他人志氣，滅自己威風，待孤親自出馬，殺得一個片甲不留（花）叫左右將兩個死囚權且押後。（揮手下介）

（手下帶劉英、雲淵衣邊下）

（大雄提刀上馬收下句）看孤神勇殺到佢片甲不留。。（下）

（落幕）

第七場 (沙場) (衣硬城正假山)

(大首板) (宋玉郎內唱) 貔貅，十萬，如虎豹。

(大七才) (四手下、施霸雄、孫烈臣，改扮敵兵裝束、馬湘雲、馬扶風仝上)

(玉郎上唱快中板下句) 誰人不識小英豪。坐在雕鞍傳令號。三軍個個聽根苗。人要快行馬快跑。

多帶麻繩少帶刀。若把番王來捉了。黃羅帳下紀功勞。若把番王來放了。三尺青鋒命不饒。

誇喇喇，催動三軍忙就道。(沿台下句) 城門緊閉大旗飄。(白) 孫施二將聽令，城邊小山埋

伏，待等敵軍敗走之時，混進城中依計行事，不得有違

(孫施二將領命，三才掛腳埋伏小山)

(玉郎白) 好，佈置已完，馬老英雄叫關罵戰

(扶風白) 得令(介) 呔，關內番王知機者出城受死，如若不然，玉石俱焚

(大雄白) 來了(急急鋒)(四手下、六大甲、延風、萬鈞、四北派、大雄城內沖出挺槍直取玉郎)

(玉郎迎戰殺敗大雄)

（大雄衣邊敗下，玉郎追下）

（萬鈞湘雲大戰，萬鈞敗入城中）

（延風、扶風大戰，延風被刺死）

（急急鋒）（玉郎追大雄衣邊上大戰，大雄虛晃一刀）（四北派齊上助戰，四大甲四手下陸續加入大戰）

（霸雄、烈臣乘機混在敵兵同困玉郎）

（玉郎奮勇殺敗各敵人）

（大雄敵四手下敗兵逃入城）

（施孫二將乘機混逃入城）

（玉郎白）唉吔，好三軍聽者，孫施二將經已混進城中，你們扎下大營，飽餐戰飯，今夜三鼓時份，

一見城中火起，便當攻破城門，裏應外合，活捉番王，不得有違

（眾白得令）

（落幕）

第八場 (宮闈內)

(落更)(開邊開幕)

(雙跳架)(霸雄、烈臣分兩邊上全扎定架相見做手啞關目意謂三鼓一至，即分頭舉火開城內應連隨

摸更分頭衣什邊各下)

(三更追思頭)(大雄上唱至寶劍重磨止)(雷大鼓大驚介)

(沖)(萬鈞拖槍散髮上白)狼主不好，東西城門一齊火起，敵兵沖進來了

(大雄白)吓，城門火起，人馬殺至(介)快快保孤殺出重圍，人來，槍來，馬來

(萬鈞獻槍帶馬)

(雷古)(霸雄、烈臣、玉郎殺上)

(萬鈞大雄迎戰)

(玉郎殺死萬鈞活捉大雄白)有請千歲

(小開門)(四堂旦、湘雲、扶風、昭文太子上)

(昭文白) 今日恢復失地，活捉敵王，都是你們之功，令小王喜悅也(中板)為國殲仇勞眾將。功臣閣內永流芳。宋賢卿上前聽王封賞。

(玉郎白) 臣

(昭文下句) 封為忠孝並肩王。

(玉郎中板) 謝過吾主恩浩蕩。鞠躬盡瘁保朝綱。

(昭文中板) 馬卿父女聽王封賞。

(扶風、湘雲白) 臣

(昭文下句) 一等公爵保朝堂。

(扶風、湘雲唱) 謝過吾主恩浩蕩。

(湘雲下句) 爹爹記得奏本章。

(扶風領首搖手勸勿聲)

(昭文唱) 孫施二將聽王封賞。

(霸雄、烈臣白) 臣

(昭文下句) 封為侯爵理保護家邦。

(霸雄、烈臣白) 謝過吾主恩浩蕩。丹心一片保君王。

(玉郎中板) 可恨番王多罪狀。害了臣父殺死先王。但願吾主龍旬降。將他碎尸萬段感恩不忘。

(昭文中板) 父母冤仇常掛望。報仇雪恨豈敢忘。宋賢卿(介) 賜你龍泉宣其罪狀。(賜劍)

(玉郎接劍下句) 謝過千歲遂心腸。罵聲番王好膽量。恃強凌弱犯吾綱。木兇狼今日天網恢

恢天眼放。千刀萬剮你個萬惡魔王。怒沖沖舉起龍泉要你命喪。(雁兒落殺大雄獻頭及劍)

(昭文看頭下句) 將他棄尸郊外也應當。

(湘雲屢屢示意啞關目叫父親當千歲面前要玉郎成婚)

(扶風屢屢勸少安無躁至此有機會急上前執玉郎手台口白杭) 恭喜你報仇經已算清帳，又輪到我共你

商量，你應承我小女結鴛鴦，就定明日成親唔在想

(玉郎白杭) 提起結鴛鴦，我就心火上，雖則已經報父仇，惟是堂有一單冤孽賬，可恨淫賊蔣雲淵，

勾引我妻房真混帳，此仇不報枉為人，請旨除奸求主上

(昭文白杭)好，小王賜你生殺權，快把奸臣來帶上，來帶上

(玉郎白)領旨(三才沖頭什邊下)(土工首板一句內唱)咬碎銀牙飛步走。(雁兒落，手帶雲淵上三
網三標完三才扎架，玉郎禿頭連環西皮)真真可戮(雙句)你個份人，不知羞

(雲淵尾腔)唉吔吔，大佬冇乜冤仇。

(玉郎白)可怒也(花下句)你天良喪盡不入人流。。在千歲殿前將你罪名數透(浪裏白)你不忠不
義恬不知羞，甘為漢賊屈膝事讐，天網恢恢疏而不漏，你萬年遺臭萬古貽羞也(爽土工慢板下

句)你不該，通夷敵，賣國事仇。。你不該，逞荒淫，真是衣冠禽獸。(浪裏白)你多行不義歎

風流，勾引吾妻恨怎休，淫婦已經沉海底，奸夫性命也難留也(快中板下句)誓當報卻戴天仇。。

越思越想難抵受。好比火上亂加油。。怒沖沖(花)手拔青鋒將你斬首。(先鋒鉞一斬兩斬三斬

三才轉身起腳扎架)

(雲淵一避兩避三避轉身跪下托腳大叫)刀下留人呀(花下句)容我申辯暫且寄下我人頭。。

(玉郎白) 嘎嘎，你有話講

(雲淵白) 某有話講

(玉郎白) 你有話說

(雲淵白) 某有話說

(玉郎白) 諒你插翅難飛，千家殿前有話容你來講(一脚踢去)

(雲淵被踢有頭雞撲在地上爽木魚) 我係抵死友，之你不用咁心腸。聽吾解釋內裏恩仇。我錯在當初誤做敵人走狗。奉命捉拿千歲好彩你地命不該休。我一見你位夫人就不知天高和地厚。點知佢打蛇隨棍上假意共我講風流。原來佢藉此阻住追兵享處延遲時候。我一時不察估話艷福幾生修。點知佢靜靜一刀統過嚟嚇到我魂不守。重嚴詞斥責鬧到我冷汗掂流。我革面洗手至有保護夫人出關走。點知俾番王截獲不肯干休。恨我被困天牢宋有參加將國救。不敢求寬宥。但乞千祈咪冤枉個位貞烈嘅女流。

(玉郎白) 嘎嘎(工花) 佢利口辯詞令我生疑竇。未知是真是假確實與虛浮。低下頭來小心研究。

(介)

(湘雲花下句) 郎君何用皺眉頭。○ 佢所講嘅情形分明多虛謬。

(扶風下句) 佢欲圖狡脫所以亂砌情由。○ 鐵案如山何須多考究。

(昭文花下句) 須要小心從事審真理由。○ 我素知你位大人乃係名門閨秀。幽嫻貞靜斷有咁下流。○ 名節非輕願卿家你從頭想透。

(玉郎白) 難也 (花下句) 將疑將信講出兩邊都有理由。○ 是假是真一塌胡塗真棘手。(云云做手關目忽有計威嚇白) 咁咁吓 (花下句) 你分明想減罪希冀避免殺頭。○ 你聽見話淫婦經已投河，你就乘勢開河順口。花言巧語亂砌情由。○ 精就快的招認從頭，否則一刀要你當堂進斗。(以刀

□其頸)

(雲淵下句) 確係真情不如抵誘你迫人亂認有乜收。○ 呢呢呢你咁聰明睇吓我副尊容就可以証明八九。

(浪裏白杭) 我外號叫做潮州柑，冇你生得咁靜溜，女人見你好似蟻仔見冰糖，女人見我就唔吼夾立刻走，你位夫人點會捨棄你個白板仔，反為吼我個九筒九 (忽然醒起) 況且劉英當日亦

在場，此事佢盡地知到透，何不提佢出天牢，便可証明真與謬（雙句）

（玉郎花下句）一言驚醒我心頭。。抽身就往天牢走。（什邊下）

（湘雲花下句）累到佢生蝦咁跳，一日都係你個死人頭。。你累已又累人，我要（左口右蔑）死你個

衰鬼頭。（左口右蔑）介）

（扶風攔住收下句）喂，金鑾殿上乖女你要淡定溫柔。。

（昭文上句）你地不可喧嘩，侍立一傍來靜候。

（沖）（玉郎扯劉英走上，劉英枷鎖撲倒台口，玉郎扶起）

（劉英花下句）公子我枷鎖墜住，險些撲崩頭。。

（玉郎醒起其枷鎖未脫，急同脫了花上句）你莫怪我走得匆忙，我黝到有氣冇定抖（扯走入殿）你快

些上前對証不准半字虛浮。。

（劉英白忮）走到我氣稠稠，走到我汗流流，究竟頂乜野証，我都霧水一頭

（玉郎撲燈蛾）真係黝（雙句）佢將我老婆鈎，話你參與其間知到透，快些頂証說根由，說根由

(劉英白杭) 你咪口浮浮(雙句) 咪個無端拉我入裏頭，我從來不慣扯皮條，咪賴我將綠帽笠落你個

頭(雙句)

(雲淵白杭) 你咪攪錯曬，冇人賴你咪流求，不過求你講句公道話，証明我同佢夫人確係水溝油，喂

我兩人名譽而家享你手，我與你又冇冤仇，大佬求你講句良心話，我就濕頂叩頭(雙句)

(湘雲白杭) 喂有碗要話碗，有碟要話碟，切莫把情留

(扶風白杭) 嗶女仔之家乜你咁多口，理人閒事為乜來由

(昭文白杭) 劉英你唔在口震震，快的逐一逐一講從頭

(玉郎白杭) 若果替佢嚟掩飾，我就一刀殺左你個頭(雙句)

(劉英大驚木魚) 公子你，不用咁黠。我從頭直說當日情由。呢個衰公(指淵) 確係唔生鏽。逢人

便索點知索着個美人鈎。公子你位夫人確係堅貞少有。乘機將佢撚化運用機謀。佢查實想

救你仝千歲出關設計阻位追兵嘅時候。當然清白冇半點慚羞。今日殿下同公子得慶生還都係

多得個位堅貞紅袖。將你救。值得萬人崇拜萬古名留。

(玉郎白) 此話當真

(劉英白) 千真萬真

(玉郎白) 果然

(劉英白) 果然

(玉郎白) 唉(暈倒)

(昭文慌忙起身與眾人叫甦醒介)

(玉郎土工首板) 苦在心頭好比黃蓮在口。(□邊哭相思花下句) 可歎我恩將仇報錯怪□位貞烈女流。

我恨錯當初冤枉佢藏污納垢。氣到佢堂堂嘔血我重爛滋油。我不該故意別戀多嬌將佢當堂淚

走。可憐□冤沉海底命喪東流。搔首問天渺渺□魂往何處走。(哭相思)

(雲淵同哭相思花下句) 一日都係我累人累物累你抱恨悠悠。

(湘雲上句) 人死不能復生，君你要逆來順受。

(扶風下句) 總要節哀順變，莫再悲愁。

(昭文上句) 惟有超度佢陰魂設壇禮斗。

(劉英下句) 公子你前程無限，何庸怨艾難休。

(玉郎上句) 莫問我前程，我已色空參透。自從嬌姿死後，我已萬念俱休。所以未斷塵緣，只為冊心將國救。今日河山光復，又已報卻父仇。我百劫餘生，空無所有。什麼妻財子祿，一概看作雲浮。(轉中板) 說什麼富貴功名皆烏有。說什麼纏綿恩愛盡虛浮。美嬌妻，我難消受。從前事，一筆勾。只可嘆功業勛名雖成就。惟獨是嬌花經已葬東流。從今後，空回首。脫卻蟒袍玉帶四海遊。多謝聖明天恩厚。微臣福薄難以位列公侯。拜別龍廷(滾花) 掛冠而走。

(眾人全攔住)

(昭文扯住玉袍中板花) 將軍你走左有乜收。(收)(白杭) 你唔好走(雙句) 我個江山全靠你

把保守，若果你唔做官，敵兵一定來入寇，無人統大軍，啲陣有誰將國救(雙句)

(扶風白杭) 你唔着走(雙句) 你走左叫我小女有乜收，唔通叫佢未曾過門就生寡守

(湘雲白杭) 你一世咁聰明，做乜一時咁咁咁，唔信就要咁交關，我點都唔俾你十個走，除非你同我結咗婚，要走同埋一齊去遊埠

(雲淵白杭) 世兄你係後生哥，不如慢慢想通透，做和尚唔係幾不自由，餐餐食齋重慘過戒口，又要剃光頭，又要持經咒，算你做到四大皆空，到頭唔係一樣係進斗

(劉英白杭) 公子你係多情種，唔念自己都要念吓你老豆，你九代孤獨一粒仔，成籬神主牌睇住你頭，你一旦出咗家，豈非絕了宋門後

(昭文白杭) 係哩卿家你唔着走

(扶風白杭) 賢婿你千祈唔好走

(湘雲白杭) 郎君你一於不能走

(雲淵白杭) 世兄你實在無謂走

(劉英白杭) 公子你想落唔在走，唔在走

(玉郎白) 難也(滾花) 我多謝你地一片盛情個個齊聲合口。惟是我不能不走，不可不走，不得不走，

我有絕大嘅理由。。我經已心如稿木死灰，身似泥雕木偶。於國家無補於愛情無用，你地無謂將我挽留。。但願千歲尚德愛民，列位齊心扶佑。但願小姐另諧鸞鳳，福慧雙修。。嬌你莫念我呢個無才薄命不祥身，我不配重諧鳳友。此後紅魚青磬四海雲遊。。說話已完飛步走。（走下）

（眾人同哭相思）

（湘雲花下句）自慚福薄實命不由。。不怕海角天涯我要追到你瘦。（追下）

（扶風下句）喂，乖女咪走，快的番轉頭。。你不番頭，我惟有追住你尾後。（追下）

（雲淵下句）定完全係我將佢地拖累掙到天慘地愁。。萬一不測豈可旁觀袖手。（追下）

（昭文下句）若非為將小王打救，斷冇掙到簞咁大個頭。。

（劉英上句）倘若累出人命之時，千歲你亦難辭其咎。

（昭文下句）你快的將為王保護，追番佢地轉頭。。（全追下）

（落幕）

第九場 (□景) (漁村水閘小艇)

(衣邊漁屋) (門前釣魚具)

(金水叔捧魚籬及柴米上白杭) 處世若大夢，人世苦不足，今日做官享榮華，着靚衣服住大屋，明朝樹倒猢猻散，乞食街頭來露宿，何如隱山林，無榮也無辱，一壺燒酒一尺魚，有飯食飯有粥食粥，無憂無慮樂逍遙，何必做官至係享福 (雙句) (白) 老夫金水叔，今年已經六十六，無妻無子無親族，半生孫獨，一世勞碌，光幾個月頭，有晚心沃沃，我估有人打劫定火燭，出門一望百籟無聲，依樣山青水綠，忽然望見江心有條大魚，又起又伏，我立即搖艇來將佢捉，原來撈起乃係一具死尸，幾已唔曉沃，我即刻將佢救醒，問佢無言惟有哭，我見佢身世飄零，惟有收留在漁屋，倒也靈利精乖，斯文不俗，因此父女相稱，認為骨肉，如今趁圩已完，番嚟煲魚粥，

乖女出嚟

(月娘漁婦裝唱古小曲下漁舟屋裏出) 長江大魚反洪水，小乖乖，小乖乖，上江游到下江來，頭搖尾擺擺 (雙句) 一個金勾拋着鯉魚，小乖乖 (雙句) 上江游到下江來 (上前叫爹介)

(金水叔口白謂今日好生意，多多魚都唔夠賣，應承杏花樓再交的漁添，你捧柴米入去，等我再打的
魚添介)

(月娘話爹爹成日辛苦，不如你入去抖吓，等我替你打魚介)

(金水叔贊成，吩咐小心打魚，約打十條八條就夠，說完即交魚籬與月娘，自己拈米柴等入漁屋下)

(月娘接魚籬在屋門前取釣魚具，落小艇解纜唱咸水歌)綠水本無憂，因風皺面咯兄哥。青山原不老，
為雪白頭。。。(一自搖艇一自唱入場)

(河調首板一句)(王郎內唱)最難消受。(士字腔戀壇二流序上，阿春捧香燭)

(玉郎上唱八寶二流，第一段是柳底鶯)水東流，好花江上浮，思嬌心自愁，劇憐你為郎憂為郎瘦，

翠袖，淚珠滿襟頭，緣休恨未休(拉六字二流腔)(一才鑼鼓)(照過二流序)(第二段是罵玉郎)。

戀紅豆，獨自淒涼晚秋，斷腸怨不休，近來漸瘦(拉上字二流腔)(第三段是孔雀開屏)到夜到

夜倍愁，三四三四更後，歎羅幃羅幃獨守，怨不休，心憂憂，靜幽幽，難邂逅，夜夜獨憑樓，

懷故舊（拉士字二流腔）（滾花尾句）因此招魂江畔，表我心頭。。（白）清明時節雨紛紛，知是花痕是淚痕，我縱有腸皆斷盡，獨來江上賦招魂（介）僮兒來到此處什麼所在

（春白）稟上公子，來到此處，正是相思江

（玉郎白）乜話，此處就是相思江（暈倒）（首板一句）相思江上芳魂何處。（開邊跪行埋江邊哭相思完禿頭二王慢板）相思債，到何時，相思江上寄相思，相思人淚灑湘思雨，今日相思人渺，枉我日夜相思。。

（阿春當哭相思時即點獨香斟酒）

（玉郎轉石榴花）唉吔，日又相思，夜又相思，芳魂去邊處，芳魂去邊處，半生恩愛（二王下半句）付落水之湄。。唉吔唷，我辜負蛾眉。。只可歎，恩愛鴛鴦，估話永諧連理。豈知我一時不察，冤枉嬌姿。。我不該熱諷冷嘲，惡言譏刺。我不該存心激你，假作另訂佳期。。今日恨錯難番，我唔該負你。望嬌寬恕，我呢個薄倖男兒。。無限傷心，惟有搶天呼地。（哭相思花下句）哭到

我聲嘶淚盡魂魄齊飛。。(暈倒)

(春大聲呼救命)

(沖)(金水自屋中撲出問何事)

(同時月娘搖艇已釣得魚上，問何事，遂急同救叫醒)

(玉郎首板一句) 渺查三魂關山迢遞。(開邊睜眼一見月娘大驚擲才以為鬼)

(月娘餘憤未息，急欲走避)

(玉郎攔住花下句) 相逢疑是夢，分明有錯係我嬌妻。。我問一句多嬌，你究竟係人定係鬼。

(月娘白) 冤家呀(連環西皮) 真真衰鬼(雙句) 你個份人，真正曳

(玉郎拉尾腔) 唉吔吔，鬧死我都有問題。。(乙反中板) 我乍喜乍悲頓覺無窮安慰。我謝天謝地你

保佑我嬌妻。。嬌你不用咁嬲我已查明底細。你係忠貞節烈婦德無虧。。我錯在當時唔該將嬌

冤禮。確係糊塗到極將你亂指無為。。但係有怪莫怪當我係細蚊仔。彼此夫妻恩愛實在有乜問

題。。咁就有問題，等我陪番一禮。總之唔駛計，同我番去歸。。你寬恕我呢句話個別時我唔

敢滯。總之唔該唔着我份句低威。

(月娘白)可怒也(花快□慢板)可恨冤家曳得滯。恩將仇報唔通你被鬼迷。我一片忠貞你冤枉我敗壞家門禮。無謂到來詐的咁嘅諦，快的番去你個第二嬌妻。

(玉郎白)唉我地妻呀(花)我邊有第二個嬌妻，好心你無謂將我翳。不過係當時想激你，所以亂指無為。噯講極佢都唔聽，有何妙計。

(沖)(湘雲、扶風、雲淵、昭文、劉英仝上)(齊唱下句)原來你享呢處嚟。

(玉郎口白問何事追來)

(雲淵口白勸回朝介)

(玉郎三腳橈)番去冇問題，我並非唔肯制。總之無所謂，攞掂我嬌妻。

(雲淵三腳橈)我一見就嚇一驚，當堂醜死鬼。忽然有一計，請你即住嚟。

(玉郎附耳聽完雲淵逐個一路傳講傳番轉頭玉郎滾花)傳嚟，人怕嚟米怕籐，三十六板斧出□齊惟

有扮矮仔。

(雲淵、扶風、湘雲、劉英，連太子都一齊下跪全白) 恭請夫人回朝

(月娘花下句) 幾吓都係眾人賞面惟有答應回歸。。

(昭文上前口白勸月娘應允容納湘雲為妻)

(月娘大量答允)

(眾人皆大歡喜)

(昭文擔網口白煞科)

(尾聲)